

國家圖書館分館編

清代孤本方志選

(第二輯第二十九冊) 福建

建寧縣志〔康熙〕十四卷

續纂建寧縣志〔康熙〕

通寧縣志序

綏城志新修訖將登梓邑

人士以余爲庖治於斯也

來問序而余不敏因颺言

首簡蓋寓內郡國之志權

與於史而攷其推暨則實
與政治相流通魯論贊民
心歸周而必先四方之政
誠以四方者封域異形土
物異產民生其間者異俗

古然而今否者異時因其
勢而化以裁之補偏而通
變使民不倦而各得其宜
所以云揀也是故審封域
而建邦設險之制可得而

稽矣洞物產而三壤成賦
任土作貢之經可得而類
矣審風俗而文質奢儉澆
淳之搏掎可得而施矣相
古今而人才之奮苓兵農

之囂靜吏道廉纖之故可
得而勸戒區別矣然則志
之所繫其關於政治顧不
重哉劉秘監曰史有三長
才學識而世罕兼之愚賈

操金不能貨殖是謂有學
無才善構如工倕非梗枿
弗任是謂有才爽學鼠石
皆璞絲豕俱琴若識不足
以綜物則雖才與學猶雕

龍也乃余獨謂作史難而
作郡國之史尤弗易耳目
境接桑梓情濡宅壠避趨
建置多忌一難也諛墓需
金佳傳索米瓠壺代鼎瓦

正當鍾二難也阡陌交通
米鹽凌雜一以爲笑簿一
以爲郵程尺寸相資彌縫
舊物三難也夫史氏三長
旣不少概見而又叅錯三

難以榛梗其筆爽怪乎志
雖克棟其可徵而信者殆
闕如也故作志之法其事
嚴以核其鑑虛以明其辭
約而舉三者備然後可以

鎔綜群言抽心呈貌轡龍
虎之文稱一代信史焉綏
邑志久未修視所闕遺殆
不止一世余兩番庖代於
此地之風尚習俗考之

矣然與志所紀多不合豈
其江河代變勢趨積重而
不可挽歟抑化而裁之者
權則有在而不操之自下
歟卽如先時里役無藝之

徵若奏銷開銷僉解安派
諸稅政積二十二事不知
俑自何年余順邑民請旣
已盡行洗祓鐫貞石傳禁
永遠然倖門如鼠穴庸詎

知此外遂可盡塞而因循
歲月保無有巧立名目越
所禁以鳥鈔求飽者乎余
蓋喟然太息時易勢殊古
無而今有者何限信乎化

裁補抹權則有在而不自
下操之也今綏城之志旣
粲然具備稱信史爲邑者
顧其名而思其義視其積
重所在以身先之而不致

隕越則綏其庶幾乎余不
敏敬掇其大端而爲之序

皆

康熙壬子季夏月穀旦攝
縣事邵武府通判柴桑